

“2classic4u?” a deleita famianan henter

O R A N J E S T A D - Diadomingo ultimo a tuma luga un concierto di musica clasico titula “2classic4u?”.

Esaki a tuma luga den e Sala di Exposicion di Cas di Cultura y tabata organisa dor di UNOCA.



“2classic4u?” tabata un concierto clasico pa henter famia y e biaha aki tabatin e tema di “Compositor Femenino”. Esaki ta nifica cu a toca piesanan di compositornan femenino famoso manera Fanny Mendelssohn, como tambe compositornan femenino local manera Maria Wever y Maybelline Arends-Croes.

Musiconan cu a participa den e concierto tabata: Dirk Jan Boerwinkel (flauta), Tica Giel (canto), Hester Matthijsse (fio), Marieke Ladrak (contrabas), Armand Simon (piano) y Michael Thodé (cuarta).

Tabatin un total di dos funcion pa asina tur hende haya e oportunidad pa disfruta di e bunita musica clasico.

E aña aki lo tin mas concierto di “2classic4u?”, di cual un di nan lo ta un Mozart-concert.

